



Broj: 13-03/1-31-12649/26  
Sarajevo, 22.06.2026. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj 35/05), člana 15. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21, 40/22 i 13/25) i Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2026. godinu ("Službene novine Kantona Sarajevo" br. 11/26), ministrica za rad, socijalnu politiku, raseljena lica i izbjeglice Kantona Sarajevo, po ovlaštenju premijera, donosi

## **SOCIJALNI PROGRAM KAO SKUP MJERA I AKTIVNOSTI KOJE SU USMJERENE NA PREVENIRANJE I OTKLANJANJE STANJA SOCIJALNE NESIGURNOSTI POJEDINIH KATEGORIJA STANOVNIŠTVA**

Socijalni program kao skup mjera i aktivnosti koje su usmjerene na preveniranje i otklanjanje stanja socijalne nesigurnosti pojedinih kategorija stanovništva (u daljem tekstu: Socijalni program) donosi se u cilju poboljšavanja socijalnog i sveukupnog stanja pojedinih kategorija stanovništva, a predmetni socijalni program sadrži sedam aktivnosti usmjerenih na više različitih kategorija korisnika socijalne zaštite.

Za realizaciju predmetnog Socijalnog programa su u Budžetu Kantona Sarajevo za 2026. godinu - Ministarstva za rad, socijalnu politiku, raseljena lica i izbjeglice Kantona Sarajevo ekonomski kod 614200, funkcija 107F, subanalitika NAM001 - "Socijalna zaštita" obezbijedena sredstva u iznosu od 150.000,00KM.

### **1. Zaštita žrtava nasilja u porodici**

I Mjere i aktivnosti dijela Socijalnog programa "Zaštita žrtava nasilja u porodici" u fokusu ima žene žrtve nasilja koje su bile smještene u Sigurnoj kući Fondacije lokalne demokratije, a za koje stručni radnici Javne ustanove "Kantonalni centar za socijalni rad" - nadležnih službi socijalne zaštite i stručno osoblje Sigurne kuće, na osnovu svoje ekspertize i iskustva u radu sa ovom populacijom ocijene da im je potrebno pružiti podršku i po izlasku iz Sigurne kuće.

II Cilj ovih aktivnosti je prevencija ponovne izloženosti nasilju u porodici, kroz osiguravanje smještaja za žene žrtve nasilja koje su prošle tretman u Sigurnoj kući i po izlasku iz iste su nastavile da samostalno žive i rade, a sve u cilju njihovog dodatnog osnaživanja na socijalnom, ekonomskom i psihološkom polju, te sprječavanja povratka nasilniku.

III Korisnice ovih aktivnosti su žene žrtve nasilja, odnosno osobe izložene zlostavljanju i nasilju u porodici kao utvrđena kategorija korisnika shodno članu 14. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21, 40/22 i 13/25), a koje su kao takve registrovane u nadležnim službama socijalne zaštite, završile su tretman u Sigurnoj kući, te za koje se praćenjem utvrdi da se nisu vratile nasilniku i da im je ovaj vid podrške potreban.

IV Shodno Protokolu o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, Javna ustanova "Kantonalni centar za socijalni rad" u cilju zaštite žrtve nasilja u porodici, između ostalog, izdaje saglasnost i koordinira smještaj u Sigurnu kuću Fondacije lokalne demokratije, te u saradnji sa Sigurnom kućom izrađuje individualni plan zaštite za žrtvu. U skladu sa potpisanim Protokolom o saradnji između Javne ustanove "Kantonalni centar za socijalni rad" i Fondacije lokalne demokratije o međusobnoj saradnji u radu Mobilnog tima, navedeni tim će pružati podršku i realizirati stručni rad sa korisnicama koje su obuhvaćene ovim programom.

V Korisnice za koje stručni radnici Javne ustanove "Kantonalni centar za socijalni rad", odnosno nadležnih službi socijalne zaštite i stručno osoblje Sigurne kuće, na osnovu praćenja njihovog stanja po izlasku iz Sigurne kuće, ustanove da se iste nisu vratile nasilniku i da im je potreban ovaj vid podrške u njihovoj borbi za egzistenciju i osamostaljivanje, dobiće novčanu podršku za plaćanje troškova podstanarstva i režijskih troškova. Spiskove navedenih korisnica će Javna ustanova "Kantonalni centar za socijalni rad" dostaviti Ministarstvu za rad, socijalnu politiku, raseljena lica i izbjeglice Kantona Sarajevo koje će vršiti isplatu istim.

VI Ukupni planirani troškovi realizacije predmetnih aktivnosti iznose 63.000,00 KM, a korisnice obuhvaćene ovim aktivnostima u okviru Socijalnog programa će biti u obavezi da sredstva utroše za plaćanje troškova stanarine i režijske troškove u stanu koji koriste. Ukupni iznos stanarine i režijskih troškova isplatiti će se korisnicima u iznosu do 700,00 KM. Novčanu podršku će moći ostvariti najviše 15 korisnica, i to u iznosu do 700,00 KM i u trajanju od najviše 6 mjeseci (do kraja 2026. godine).

VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava, Javna ustanova "Kantonalni centar za socijalni rad" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosioци realizacije navedenih aktivnosti su Javna ustanova "Kantonalni centar za socijalni rad" i Fondacija lokalne demokratije, a nosioци provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



## 2. Predbračno savjetovanje u cilju prevencije razvoda braka i porodične disfunkcionalnosti

I Mjere i aktivnosti dijela Socijalnog programa "Predbračno savjetovanje" imaju u fokusu aktivnosti pružanja podrške mladima koji ulaze u prvu fazu životnog ciklusa porodice, u cilju prevencije razvoda braka, imajući u vidu da analiza statističkih podataka pokazuje značajan broj razvoda u Kantonu Sarajevo.

II Cilj ovih aktivnosti je jačanje kompetencija mladih za izgradnju funkcionalnih partnerskih odnosa, kao i prevencija porodične disfunkcionalnosti, s glavnim ciljem smanjenja broja razvoda brakova, prevencije i prepoznavanja eventualnih nasilničkih i drugih neprihvatljivih oblika ponašanja.

III Korisnici ovih aktivnosti su parovi od kojih minimalno jedan ima prijavljeno prebivalište u jednoj od općina u Kantonu Sarajevo, te koji prijave vjenčanje u nekoj od općina u Kantonu Sarajevo.

IV Aktivnosti ovog dijela Socijalnog programa će biti realizirane kroz interaktivne i edukativne radionice za buduće bračne partnere, koje podrazumijevaju savjetodavni grupni rad i multimedijalne prezentacije sa ciljem sticanja znanja, vještina i kompetencija vezanih za partnerstvo. Budući bračni partneri će kroz učešće u programu imati priliku da promišljaju o izboru partnera, vlastitim očekivanjima, načinima komunikacije i rješavanju izazova, ali i da osvijeste snage koje već posjeduju kao par. Fokus rada nije samo na prevenciji poteškoća, već i na afirmaciji pozitivnih aspekata partnerstva, bliskosti i zajedničkog rasta. Očekivani efekti realizacije planiranih aktivnosti su upoznavanje i psihoedukacija partnera sa specifičnostima partnerskog odnosa, sa modelima komunikacije u partnerskom odnosu, sa očekivanim i neočekivanim krizama unutar partnerskog odnosa, kao i prepoznavanje potrebe za stručnom podrškom u razrješenju kriza unutar partnerskog odnosa.

V Kantonalna javna ustanova "Porodično savjetovalište" će prije realizacije predmetnih aktivnosti, sa općinama precizirati način dobijanja informacija o mladim parovima koji planiraju stupanje u brak, a u cilju njihovog uključivanja u aktivnosti predbračnog savjetovanja. Aktivnosti će realizirati odgovarajući stručni kadar Kantonalne javne ustanove "Porodično savjetovalište", a Ustanova će obezbjediti i prostor i uslove za realizaciju savjetodavnog rada.

Parovi koji prihvate učešće u predbračnom savjetovanju, te realiziraju vjenčanje u jednoj od općina u Kantonu Sarajevo u periodu trajanja socijalnog programa, ostvaruju pravo na poklon vaučer u jednokratnom iznosu od 300,00 KM. Ustanova će sredstva – poklon vaučer za mlade bračne parove uplatiti na tekući račun jednog partnera, nakon dostavljenog zahtjeva za isplatu sredstava ovoj Javnoj ustanovi i priloženi vjenčani list i dokaz o prijavi mjesta prebivališta u jednoj od općina u Kantonu Sarajevo.

VI Ukupni planirani troškovi realizacije predmetnih aktivnosti iznose 18.000,00 KM, i čine ga poklon vaučeri u iznosu od 300,00 KM za najviše 50 budućih bračnih parova, te 3.000,00KM za troškove organizacije radionica, troškove reprezentacije i štampanje materijala. Navedena sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi "Porodično savjetovalište".



VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova "Porodično savjetovalište" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Kantonalna javna ustanova "Porodično savjetovalište", a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

### **3. Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja**

I Mjere i aktivnosti dijela Socijalnog programa "Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja" imaju u fokusu aktivnosti u smislu unapređenja pružanja usluga djeci čiji je razvoj ometen porodičnim prilikama i porodicama u riziku od razdvajanja, a sve u cilju preveniranja razdvajanja djece od svojih bioloških srodnika, korekcija ponašanja i jačanje životnih vještina.

II Cilj ovih aktivnosti je, između ostalog, socijalno i materijalno osnaživanje porodica u riziku od razdvajanja i samim tim prevencija marginalizacije djece i razdvajanja od svojih bioloških srodnika, unapređenje i osnaživanje životnih vještina i korekcija neprihvatljivog ponašanja.

III Korisnici ovih aktivnosti su djeca čiji je razvoj ometen porodičnim prilikama i porodice u riziku od razdvajanja, koje su evidentirani kao korisnici usluga Kantonalnoj javnoj ustanovi Dom za djecu bez roditeljskog staranja, odnosno Javnoj ustanovi „Kantonalni centar za socijalni rad“ - nadležnih službi socijalne zaštite.

IV Kantonalna javna ustanova Dom za djecu bez roditeljskog staranja će za potrebe realizacije predmetnog socijalnog programa izvršiti nabavku goriva neophodnog za prevoz djece – korisnika od mjesta boravka do Dnevnog centra i nazad, te u saradnji sa Javnom ustanovom „Kantonalni centar za socijalni rad“ odrediti 10 porodica u riziku od razdvajanja, kojima će biti obezbijedena podrška kroz „Paket podrške“ u vidu osnovnih životnih namirnica (hrane i higijenskih potrepština).

V Spiskove porodica u riziku će Kantonalna javna ustanova Dom za djecu bez roditeljskog staranja dostaviti Ministarstvu za rad, socijalnu politiku, raseljena lica i izbjeglice Kantona Sarajevo koje će vršiti isplatu istim na osnovu dostavljenih računa za kupovinu osnovnih životnih namirnica (hrane i higijenskih potrepština).

VI Ukupni planirani troškovi realizacije predmetnih aktivnosti iznose 12.000,00 KM. Sredstva za nabavku goriva za potrebe prevoza djece do Dnevnog centra i nazad u iznosu od 3.000,00 KM će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi Dom za djecu bez roditeljskog staranja.

Novčanu podršku u vidu „Paketa podrške“ će moći ostvariti najviše 10 porodica u riziku od razdvajanja, i to u iznosu do 150,00 KM mjesečno i u trajanju od najviše 6 mjeseci u ukupnom iznosu od 9.000,00 KM (do kraja 2026. godine).



VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova Dom za djecu bez roditeljskog staranja je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosilac realizacije navedenih aktivnosti je Kantonalna javna ustanova Dom za djecu bez roditeljskog staranja, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

#### **4. Prevencija neprihvatljivih oblika ponašanja kroz iskustveno učenje**

I Mjere i aktivnosti dijela Socijalnog programa "Prevencija neprihvatljivih oblika ponašanja kroz iskustveno učenje" imaju u fokusu niz struktuiranih aktivnosti edukativnog, iskustvenog i zabavnog karaktera za maloljetnike koji se suočavaju sa različitim izazovima u odrastanju, poput teškoća u komuniciranju, niskog nivoa empatije, nedostatka samopouzdanja, problema u onašanju i izloženosti vršnjačkom nasilju, a sve u cilju redukcije vršnjačkog nasilja, odnosno resocijalizaciju maloljetnika korisnika usluga Službe za preventivni rad i Službe za zbrinjavanje djece u stanju potrebe pri Kantonalnoj javnoj ustanovi „Odgojni centar Kantona Sarajevo“.

II Cilj ovih aktivnosti je, između ostalog, prevencija i redukcija vršnjačkog nasilja kroz jačanje socijalnih vještina, emocionalne regulacije i usvajanje pozitivnih obrazaca ponašanja kod maloljetnika. Specifični ciljevi programa su jačanje socijalnih vještina i pozitivnih obrazaca ponašanja, unapređenje emocionalne regulacije i upravljanje stresom, podsticanje empatije, tolerancije i međusobnog poštovanja, osnaživanje samopouzdanja i osjećaja lične vrijednosti, prevencija nasilnog ponašanja i izgradnja nenasilne komunikacije, kao i omogućavanje pozitivnih iskustava djeci iz socijalno ugroženih porodica i podsticanje dugoročnih promjena u ponašanju.

III Korisnici ovih aktivnosti su maloljetnici uključeni u individualni preventivni tretman koji koriste usluge Službe za preventivni rad i djeca i maloljetnici korisnici usluga cjelodnevnog i poludnevnog zbrinjavanja Službe za zbrinjavanje djece u stanju potrebe pri Kantonalnoj javnoj ustanovi „Odgojni centar Kantona Sarajevo“.

IV Aktivnosti ovog dijela Socijalnog programa će biti realizirane kroz radionice i iskustvene aktivnosti u prirodi u planinarskoj kući, edukativne radionice, sportske igre i izlet u ZOO vrt.

V Kantonalna javna ustanova „Odgojni centar Kantona Sarajevo“ će prije realizacije predmetnih aktivnosti, ostvariti potrebnu saradnju i pripremne aktivnosti radi korištenja smještajnih kapaciteta u planinarskoj kući, realizaciji sportsko – rekreativnih i edukativnih aktivnosti, kao i ostvarivanja planiranih posjeta. Aktivnosti će realizirati odgovarajući stručni kadar Kantonalne javne ustanove „Odgojni centar Kantona Sarajevo“.

VI Ukupni planirani troškovi realizacije predmetnih aktivnosti iznose 6.115,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi „Odgojni centar Kantona Sarajevo“. Strukturu utroška planiranih sredstava čine: nabavka neophodnih sredstava za realizaciju izleta za 15 korisnika (higijenske potrepštine, lijekovi i medicinski materijal, materijal za edukativne radionice, hrana i odjeća, posteljina, i sl.), kupovina ulaznica za ZOO vrt i troškovi prevoza.



VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova „Odgojni centar Kantona Sarajevo“ je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosilac realizacije navedenih aktivnosti je Kantonalna javna ustanova „Odgojni centar Kantona Sarajevo“, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

## **5. Inkluzivnim turističkim izletom do unapređenja socijalne inkluzije osoba sa invaliditetom**

I Mjere i aktivnosti dijela Socijalnog programa "Inkluzivnim turističkim izletom do unapređenja socijalne inkluzije osoba sa invaliditetom" imaju u fokusu aktivnosti u cilju poboljšanja kvalitete života za korisnike usluga Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

II Cilj ovih aktivnosti je, između ostalog, unapređenje socijalne inkluzije korisnika, podrška razvoju i unapređenju socijalnih vještina, jačanje vještina samozastupanja, razvoj sposobnosti za prevazilaženje i smanjenje stigme povezane sa invaliditetom, unapređenje vještina upravljanja barijerama u okruženju, povećanje informisanosti o dostupnim resursima u zajednici, razvoj komunikacijskih vještina, osposobljavanje za konstruktivno rješavanje konflikata.

III Korisnici ovih aktivnosti su korisnici koji se nalaze na smještaju u Kantonalnoj javnoj ustanovi „Dom za socijalno zdravstveno zbrinjavanje osoba sa invaliditetom i drugih osoba“.

IV Aktivnosti ovog dijela Socijalnog programa će biti realizirane kroz inkluzivne turističke izlete za 30 korisnika Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

V Aktivnosti će realizirati odgovarajući stručni kadar Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“.

VII Ukupni planirani troškovi realizacije predmetnih aktivnosti iznose 13.414,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi „Dom za socijalno zdravstveno zbrinjavanje osoba sa invaliditetom i drugih osoba“. Struktura utroška planiranih sredstava je slijedeća: nabavka all inclusive boravak za 30 korisnika za dva noćenja i troškovi prevoza.

VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova „Dom za socijalno zdravstveno zbrinjavanje osoba sa invaliditetom i drugih osoba“ je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosilac realizacije navedenih aktivnosti je Kantonalna javna ustanova „Dom za socijalno zdravstveno zbrinjavanje osoba sa invaliditetom i drugih osoba“, a nosioci provođenja monitoringa



za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

## **6. Zlatne godine u pokretu – program izleta i inkluzije za korisnike Kantonalne javne ustanove „Gerontološki centar Sarajevo“**

I Mjere i aktivnosti dijela Socijalnog programa "Zlatne godine u pokretu – program izleta i inkluzije za korisnike Kantonalne javne ustanove „Gerontološki centar Sarajevo“ u fokusu imaju korisnike smještene u Kantonalnoj javnoj ustanovi „Gerontološki centar“, s akcentom na inkluziju korisnika sa smanjenom pokretljivošću i bez porodične podrške, čime program doprinosi smanjenju socijalne izolacije i unapređenju mentalnog zdravlja korisnika.

II Cilj ovih aktivnosti je unapređenje kvaliteta života korisnika kroz organizovane izlete, socijalizaciju i aktivno učešće u zajednici, sa specifičnim ciljevima smanjenja osjećaja izolacije i institucionalizacije, povećanja fizičke i mentalne aktivnosti korisnika, omogućavanja sigurnog boravka u prirodi i zajednici i jačanju psihosocijalnog zdravlja korisnika.

III Korisnici programa su korisnici koji se nalaze na smještaju u Kantonalnoj javnoj ustanovi „Gerontološki centar“, osobe sa hroničnim bolestima i posebno osobe bez porodične podrške koji su dugotrajni korisnici smještaja.

IV Aktivnosti ovog dijela Socijalnog programa će biti realizirane kroz organizaciju 3 tematska i prilagođena izleta za 120 korisnika, uz provođenje redovnih rekreativnih, terapijskih i socijalnih aktivnosti na otvorenom.

V Aktivnosti će realizirati odgovarajući stručni kadar Kantonalne javne ustanove „Gerontološki centar“.

VI Ukupni planirani troškovi realizacije predmetnih aktivnosti iznose 9.000,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi „Gerontološki centar“. Struktura utroška planiranih sredstava je sljedeća: hrana, piće, ulaznice za turističke atrakcije u iznosu od 6.000,00 KM i prevoz korisnika u iznosu od 3.000,00 za 3 izleta.

VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova „Gerontološki centar“ je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosilac realizacije navedenih aktivnosti je Kantonalna javna ustanova „Gerontološki centar“, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

## **7. Put ka oporavku: Integrisana zdravstvena i psihosocijalna podrška u rehabilitaciji**

I Mjere i aktivnosti dijela Socijalnog programa "Put ka oporavku: Integrisana zdravstvena i psihosocijalna podrška u rehabilitaciji" imaju u fokusu aktivnosti u cilju uspostavljanja



resocijalizacije korisnika Javne ustanove Terapijska zajednica - Kampus Kantona Sarajevo koja je jednako važna kao i medicinska stabilizacija, kroz holistički pristup rehabilitaciji.

II Cilj ovih aktivnosti je, između ostalog, socijalna integracija kroz izgradnju socijalnih vještina kroz posjete kulturnim i historijskim sadržajima.

III Korisnici ovih aktivnosti su korisnici koji učestvuju u psihosocijalnom tretmanu (korisnici u tretmanu, korisnici u smještaju, korisnici u podršci i savjetovanju). Navedenim aktivnostima će biti obuhvaćeno oko 20 korisnika iz Kantona Sarajevo koji se nalaze na smještaju.

IV Aktivnosti ovog dijela Socijalnog programa će biti realizirane kroz različite kulturne i historijske sadržaje za korisnike.

V Aktivnosti će realizirati odgovarajući stručni kadar Javne ustanove Terapijska zajednica - Kampus Kantona Sarajevo, a ova Ustanova će obezbjediti preduslove za realizaciju navedenih aktivnosti.

VII Ukupni planirani troškovi realizacije predmetnih aktivnosti iznose 2.250,00 KM, a ova sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Javne ustanove Terapijska zajednica - Kampus Kantona Sarajevo. Struktura utroška planiranih sredstava je sljedeća: troškovi prevoza, osvježenja i ulaznica učesnicima.

VII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Javne ustanove Terapijska zajednica - Kampus Kantona Sarajevo je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

VIII Nosioc realizacije navedenih aktivnosti je Javna ustanova Terapijska zajednica - Kampus Kantona Sarajevo, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

Po provedenim aktivnostima iz Socijalnog programa, navedene ustanove socijalne zaštite su dužne sačiniti i dostaviti u Ministarstvo za rad, socijalnu politiku, raseljena lica i izbjeglice Kantona Sarajevo narativni i finansijski izvještaj o realizovanim aktivnostima, i to Javna ustanova "Kantonalni centar za socijalni rad" za dio socijalnog programa „Zaštita žrtava nasilja u porodici“, Kantonalna javna ustanova "Porodično savjetovalište" za dio socijalnog programa „Predbračno savjetovanje“, Kantonalna javna ustanova Dom za djecu bez roditeljskog staranja za dio socijalnog programa „Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja“, Kantonalna javna ustanova „Odgojni centar Kantona Sarajevo“ za dio socijalnog programa „Prevencija neprihvatljivih oblika ponašanja kroz iskustveno učenje“, Kantonalna javna ustanova „Dom za socijalno zdravstveno zbrinjavanje osoba sa invaliditetom i drugih osoba“ za dio socijalnog programa „Inkluzivnim turističkim izletom do unapređenja socijalne inkluzije osoba sa invaliditetom“, Kantonalna javna ustanova „Gerontološki centar“ za dio socijalnog programa „Zlatne godine u pokretu – program izleta i inkluzije za korisnike Kantonalne javne ustanove „Gerontološki centar Sarajevo“ i Javna ustanova Terapijska zajednica – Kampus Kantona Sarajevo za dio socijalnog programa " Put ka oporavku: Integrisana zdravstvena i psihosocijalna podrška u rehabilitaciji “.



Rok za dostavu predmetnog izvještaja je 31.01.2027. godine.

Obaveza Ministarstva za rad, socijalnu politiku, raseljena lica i izbjeglice Kantona Sarajevo je da kontinuirano vrši monitoring nad provođenjem socijalnog programa kroz praćenje realizacije aktivnosti sa stručnog i finansijskog aspekta, te kroz analizu dostavljenih izvještaja ustanova i praćenja utroška sredstava.



PO OVLASTENJU PREMIJERA  
MINISTRICA

Naida Mota Muminović

Dostavljeno:

1. Ministarstvo za rad, socijalnu politiku, raseljena lica i izbjeglice Kantona Sarajevo,
2. Ministarstvo finansija Kantona Sarajevo,
3. Javna ustanova "Kantonalni centar za socijalni rad"
4. Fondacija lokalne demokratije
5. Kantonalna javna ustanova "Porodično savjetovalište",
6. Kantonalna javna ustanova Dom za djecu bez roditeljskog staranja,
7. Kantonalna javna ustanova „Odgojni centar Kantona Sarajevo“,
8. Kantonalna javne ustanova „Dom za socijalno zdravstveno zbrinjavanje osoba sa invaliditetom i drugih osoba“,
9. Kantonalna javna ustanova „Gerontološki centar“,
10. Javna ustanova Terapijska zajednica – Kampus Kantona Sarajevo,
11. Evidencija,
12. A r h i v a.

